

志天皇我朝廷乎拜奉留事乎於賜比慈賜比冠位上賜比治賜止久勅天皇我大命乎聞食止宣通事稱

唯就承傳位曰有勅客徒稱唯再拜訖通事傳勅旨客徒稱唯拜舞通事復本位承勅者還本處時式部

少輔進叙大使次丞進叙副使已下訖客徒拜舞輔丞錄退出次式部掃部警宮却案退出內藏并縫殿

寮入延明門候顯陽堂南預擇容止合禮者臨時擇隨客徒數各取朝服各到客徒傍北面賜之客徒受

之授了還如入儀訖治部玄蕃引客徒出令脫本國服著我朝服參入列立如前即拜舞訖供食勅使就

位與出儀同承勅者喚通事二度通事稱唯就承宣位勅使宣客人倍安爾可座爾侍止宣通事稱唯就

承傳位勅使宣如常客徒拜舞酒部一人把盞下自第四階至大使前立大使跪把盞酒部跪授訖西還

錄事左北面立大使以下謝酒訖酒部進把盞還樽所勅使西進當承歡堂第二階北折進當第一階北

面立通事引客徒西進當第四階北折進當第二階立首領當第三階立勅使登就座次首領升堂著座

通事立大使後若帶五位者著座勅使後給饌治部玄蕃東折就群臣座左右馬寮各牽青馬入自延明門自顯陽堂後北上入

自逢春門經殿庭西度出自承秋門經承歡堂後出自萬秋門訖所司見服色益供御饌起座凡每近仗與

諸臣客徒起座如常舞妓出自青綺門五位二人分頭在前差進經左近仗東頭南進當幕前北面而立舞妓就肆

訖便著顯陽堂座舞妓奏樂訖還入五位在前如出儀群臣各下座列立供食勅使下自第一階少東進

東面立次通事引錄事已上下自第二階東面立首領下自第三階東面立群臣及勅使客徒俱一時拜

舞通事不預舞妓還訖掃部寮入延明門立祿臺於庭中不必待辨官并大藏省輔令持祿物置臺上宣

命拜舞如常群臣各著座訖勅使通事引客徒列庭中位如初儀其賜祿儀者式部大少輔入自儀鸞門

大輔東廂給之大輔先喚升殿者名訖唱不升殿者名日既逮昏主殿寮執燎左右分列於殿庭頃之左

右衛門門部各廿人執燎入自萬秋延明兩門列於顯陽承歡兩堂前左右京職各廿人入自同門列於

明義觀德兩堂前賜客徒祿未訖治部玄蕃下堂列立賜祿訖引客徒退出左右衛士各二人執燎迎儀

鸞門送朱雀門勅使南折進東折度殿庭自顯陽堂第四階就群臣座訖閉豐樂儀鸞兩門乘輿廻宮曆